

ՍՈՒՐԲ ՄՅՈՒԴՈՆՕՐ ՀՆՈՒԹՅՈՒՆ ՄԱՅՐ ԱԹՈՒ ՍՈՒՐԲ ԷԶՄԻԱԾՆՈՒՄ

*«...եղիցի սա ամենեցուն,
որք տեառնագրին սովաւ՝
խղ ցնծութեան եւ զգեստ լուսոյ»:
(Մաշտոց ժխտամատյան)*

1. ՎԱՌՎԵՑ ՍՐԱՆՈՒՅՍ ՄՅՈՒԴՈՆԸ ԵՓԵԼՈՒ ԿՐԱԿԸ

Բերկրամբ ու խանդավառություն էր Ռուկիսի 29-ին Մայր Աթոռ Ս. Էջմիածնում:

Առավոտյան ժամերգությունից հետո թափորը, Ամենայն Հայոց Հայրապետ Ն. Ս. Օ. Տ. Տ. Գարեգին Ա Կաթողիկոսի գլխավորությամբ, հանդիսավորապես վեհարանից ուղղվեց դեպի Հիմ վեհարան, որի մոտ պետք է տեղի ունենար Սրբալույս Մյուտոնի եփմանն անհրաժեշտ մյուսերի օրհնության արարողությունը:

Հանդիսությունը, որին մասնակցում էին Մայրավանդիս միաբաններ, քահանաներ, սարկավազներ և հավատացյալ ժողովուրդը, սկսվեց «Տերուհանկան աղոթք»-ով: Ապա երգվեց Մյուտոնօրհնության «Որ յառաջագոյմ յօրէնս» շարականը, հավարտ որի Սուրբ Գրքից ըմբերցվեց Հովհաննես առաքյալի թուղթը՝ ուղղված Կաթողիկե եկեղեցուն:

Մյուտոնօրհնության կանոնի համապատասխան աղոթքի ըմբերցումից հետո, հատուկ աղոթասացությամբ Ամենակարող Տիրոջ օրհնությունը հայցեց Գարեգին Ա Ամենայն Հայոց Հայրապետը, ապա օրհնեց անուշաբույր յուղերը, տարբեր ծաղիկներից ու բույսերից հավաքված 40 տեսակի մյուսերը, իմչպես նաև Սուրբ Մյուտոնի եփման կաթսան:

Հնչեց «Էջ Միածինն ի Հօրէ» շարականը, որին հաջորդեց «Պահպանիչ»-ը:

Հավարտ «Պահպանիչ»-ի մերկաներին իր հայրապետական պառզամը հղեց Ն. Ս. Օծությունը՝ ի մասնավորի մշելով, թե Մյուտոնը՝ մեր կյանքում Աստծո մերկայության դրոշմը, Տիրոջ կամքով թող կրկին վերադրոշմվի մեր սրտերին, մեր հոգիներին և մեր կյանքի ուղիղ ընթացքին, որպեսզի ունենանք մեկ ժողովուրդ, մեկ հայրենիք և մեկ եկեղեցի:

Ս. Մյուտոնի եփման օրհնության հանդիսավոր արարողությունն ավարտվեց «Հայր մեր»-ի երգեցողությամբ: Թափորն ուղղվեց դեպի վեհարան:

Այնուհետև կատարվեց Մյուտոնը եփելու մախապատրաստական աշխատանքը: Օրհմված կաթսայի մեջ, ըստ կարգի, մախ լցվեց ձիթապտղի յուղը, ապա 40 տեսակի մանրացված ծաղիկներն ու խոտաբույսերը, դափնու յուղը, ճերմակ գինին և վարդաբույր: Թանկարժեք մյուսերով աղվեցուն կաթսայի ղեղանը փակվեց խմորով և իջեցվեց ավելի մեծ կաթսայի մեջ, որը ջրի գոլորշիով եփվեց երեք օր ու գիշեր՝ սաղմոսների ըմբերցման ուղեկցությամբ:

Համաձայն Մյուտոնօրհնության կանոնի, Ս. Մյուտոնօրհնությունից 40 օր առաջ, մինչև սեպտեմբերի 8-ը, ձիթենու մաքուր յուղով լի կաթսան դրվեց Մայր

Տաճարի Ավագ Խորանի ձախակողմում և ծածկվեց մրրաֆյուս քողով: Այս ամենը կատարվեց Ռատուկ աղոթքների, շարականների և սաղմոսների արտասանությամբ:

Ամեն օր, Ռավարտ երեկոյան ժամերգությամբ, աղոթասացությամբ, շարականներով և Սուրբգրայիմ ըմթերցվածներով կատարվեց Ռոզևոր Ռատուկ պաշտոն, իսկ վերջին օրը, մյուտոնօրհմության մախատոնակիմ, գիշերը՝ մակ հսկմամ կարգ:

2. ՍՈՒՐԲ ՄՅՈՒՌՈՆՈՐՔՆՈՒԹՅՈՒՆ

Հայաստանյայց Սոաքելական Սուրբ Եկեղեցում մյուտոնօրհնությունն այն յուրահատուկ և հոգեպարար արարողությունն է, որ իր եզակիության շնորհիվ ի մի է բերում, համախմբում համայն հայությանը՝ ի սփյուռս և ի Հայաստան, իր հրաշակերպող զորությամբ զեղում Սուրբ Հոգին յուրաքանչյուր հավատացյալի հոգում:

8 սեպտեմբերի: Սրբալույս Մյուտոնի օրհնության Սուրբ արարողություն: Դարեր ի վեր Սուրբ Մյուտոնը եղել և է՝ հայ հավատավորի գոյության, հարատևության կնիքն ու խորհրդանիշը: Դարեր շարունակ, նաև այսօր, աշխարհի տարբեր անկյուններից, որպես ուխտավոր, Մայր Աթոռ Սուրբ Էջմիածին են ժամանել ազգիս հավատավոր զավակունք՝ խոնարհվելու վերանկախացյալ Հայաստանում երկրորդ անգամ օրհնվող հայոց հավատի կնիք Սուրբ Մյուտոնի տաք կաթսայի առջև՝ հայցելու Բարձրյալի գութն ու շնորհները:



Հայոց Եկեղեցում Սուրբ Մյուտոնի կիրարկումը գալիս է առաքելական ժամանակներից: Ըստ ազգային մի հին ավանդության, որ բերված է նշանավոր հեղինակ Վանական Վարդապետի (1181-1251) «Գովեստ

հայ ազգին» աշխատության մեջ, Զրիստոսի օրհնած յուղը Հայաստան է բերել ազգիս առաջին լուսավորիչ Ս. Թադևոս առաքյալը: Համաձայն մեկ այլ ավանդության, Հայաստանյայց Եկեղեցում Սուրբ Մյուռոնի օրհնությունն սկսվում է Ս. Գրիգոր Լուսավորչի ավետարանագործումից: Առաջին անգամ անուշահոտ յուղը մեռոն բառով է բացատրում Հովհան Օձնեցի Կաթողիկոսը:

Հարկ է նշել, որ մինչև 13-րդ դարը մեր մատենագրության մեջ հանդիպում ենք յուղի երեք տեսակի հիշատակության, թեև Սարգիս Շնորհալին իր «Կաթողիկեայց թղթի մեկնութեան» մեջ թվարկում է չորսը: Առաջին և մեծը Ավազանի յուղն է, Սուրբ Հոգու շնորհների օրհնակը, որ կոչում ենք Ս. Մյուռոն, այսինքն՝ բոլոր ախտերի մեռուցիչը: Երկրորդը՝ երեխաներին օծելու յուղը, որ օրհնում են քահանաները, երրորդը՝ հիվանդաց յուղը, և չորրորդը՝ վախճանելոց յուղը: Այս թվարկմանն այլևս չենք հանդիպում 14-րդ դարից հետո:

Հայաստանյայց Առաքելական Եկեղեցու Մյուռոնի հիմնական նյութերն են ձիթենու յուղը և բալասանը: Վաղարշապատում հրատարակված Մակար Ա Կաթողիկոսի Մյուռոնի օրհնության Մաշտոցում նշված Ս. Մյուռոնի նյութերի թիվը հասնում է 45-ի, իսկ վերջում հիշվում է. «Եւ եթէ յայս նիւթերոցս մին կամ երկու եւ կամ երեք պակաս լիցի՝ մի արգելցես Վեռոնի օրհնելն»: Մյուռոնի պատրաստման համար գործածվող ծաղիկների ու հունդերի նյութերը, իրենց բուրումնավետությամբ, խորհրդանշում են քրիստոնեական հավատքի և այդ հավատքով իրագործված կյանքի անուշահոտությունը: Յուրաքանչյուր ծաղիկ կամ անուշաբույր արմատ խորհրդանշում է մեր Տիրոջ՝ Հիսուս Զրիստոսի աստվածային հատկանիշներից մեկը:

Արքայույս Մյուռոնը հայ հավատացյալի հայեցողության կնիքն է, Եկեղեցու և ժողովրդի միության խորհրդանիշը: Ըստ քրիստոնեական Եկեղեցու հին սովորության, Ս. Մյուռոնն օրհնվում էր Ավագ հինգշաբթի օրը: Սակայն մեր Եկեղեցին հաստատուն օր չի ունեցել: Այդ մասին Էջմիածնի Մաշտոցն ասում է. «Եւ յաւուր Մեծի Հինգշաբթի եւ կամ յաւուր Պենտեկոստէ եւ կամ յաւուրս ինչ պատշաճաւորս»: Հայաստանյայց Եկեղեցում մյուռոնօրհնությունը սովորաբար կատարվում է 5-7 տարին մեկ: 1868 թվականից սկսյալ առ 1926-ը Ս. Մյուռոն է օրհնվել տասն անգամ:

Այնուհետև, երկար ընդմիջումից հետո, հուրախություն հայ հավատավորի, 1955 թվականի հոկտեմբերի 8-ին, Ս. Թարգմանիչ Վարդապետների տոնախմբության օրը, ի վերջո հնչում են Մայրավանքի վանգեղի երկար սպասված դողանքները՝ համայն հայությանը հրավիրելով նորօրհնյալ Մյուռոնով հալաբար վերանորոգվելու և առաքելական հավատքով վերակենսավորվելու: Այդ և հետագա չորս անգամը Արքայույս Մյուռոնն օրհնվում է ազգիս երջանկահիշատակ Վաչգեն Ա Վեհափառ Հայրապետի ձեռքով: Վերջին մյուռոնօրհնության նվիրական արարողությունը կատարվեց 1991-ի սեպտեմբերի 26-ին, Վարդապ. Ս. Խաչի տոնին: Ի յուր ներկա հավատացյալ խորհրդին էր, երջանկահիշատակ Հայրապետն այն անվանեց Անկախության Մյուռոն:

Սույն թվականի սեպտեմբերի 8-ի առավոտյան ժամը 9-ին խանդավառությամբ դողանքեցին Մայրավանքիս վանգերը և ի լուր համայն հայության ավետեցին մյուռնօրհնության Սուրբ և անմահ Պատարագի սկիզբը: Օրվա պատարագիչն էր Մայր Աթոռի դիվանապետ գերաշնորհ Տ. Ներսես արքեպիսկոպոս Պոպապայանը:

Հրնթացս մատուցվող Սուրբ Պատարագի, Նորին Արքությունը վեհարանում հանդիսավորությամբ զգեստավորվում է հայրապետական շուքով: Համաձայն իրենց աստիճանի, նույն կերպ զգեստավորվում են և տասներկու եպիսկոպոսներ:

Ավարտվում է Սուրբ Պատարագը: Հանդիսավոր թափորը, ներկա հոծ բազմությունը ձեղքելով, ուղղվում է դեպի Վեհարան:

Հավարտ Ս. Պատարագի Մայր Աթոռ են ժամանում Հայաստանի Հանրապետության և Արցախի Հանրապետության նախագահներն իրենց ավագանիով, ՀՀ արտակարգ և լիազոր դեսպաններ, ինչպես նաև դիվանագետ այլ այրեր՝ ներկա գտնվելու Սրբալույս Մյուռնի օրհնության հանդիսավոր արարողությանը:

Կրկին դողանքում են Մայրավանքիս վանգերը՝ ի լուր ամենքի ավետելով Սրբալույս Մյուռնի օրհնության արարողության սկիզբը:

Վեհափառին շրջապատած հոգևոր դասը, քույր Եկեղեցիների ներկայացուցիչների հետ մեկտեղ, Վեհարանից ուղղվում է դեպի Մայր Տաճար: Երկշարք՝ Վեհափառի աջ և ձախ կողմից ընթանում են վեցական եպիսկոպոսներ՝ տանելով Մյուռնի օրհնության համար անհրաժեշտ Մայր Աթոռի ավանդական սրբությունները՝ Ս. Ավետարանը, Ս. Մյուռնի նյութերի անոթը, Ս. Արիստակես Հայրապետի Աջը, Ս. Հակոբ Մծբնա Հայրապետի Աջը, Ս. Գրիգոր Լուսավորչի Աջը, բալասանի անոթը, հին Մյուռնի՝ մեռոնաթափ աղավնիով, Ս. Գեղարդը, Կենաց խաչափայտը և Մեծի Տանն Կիլիկիո Կաթողիկոսության Մյուռնով լի անոթը:

«Խորհուրդ Խորին» շարականի երգեցողությամբ և Մայր Տաճարի վանգերի դողանքների ներքո թափորը ելնում է Տրդատա կամարից և առաջնորդվում դեպի Մայր Տաճարի մուտքի մոտ հատուկ մյուռնօրհնության համար պատրաստված բեմահարթակ:

Ավանդաբար Պատարգի ընթացքում Ս. Մյուռնի կաթսան դրվել է Մայր Տաճարի բեմում, սակայն հաշվի առնելով, որ բազմահազար ուխտավորները ի պորու չեն տեղավորվելու Մայր Տաճարում, նրանք բոլորն էլ աշխարհի տարբեր կողմերից գալիս են օրհնության սրբապախտրոհուրդ ընթացքին հաղորդվելու տենչով և ջերմ փափագով, վերջին շրջանում կաթսան դրվում է վանգակատան առջև պատրաստված բեմ-սեղանին:

Սկսվում է Ս. Մյուռնի օրհնության կարգը:

Մայր Աթոռի լուսարարապետը՝ գերաշնորհ Տ. Հուսիկ արքեպիսկոպոս Սանթրույանը, բացում է Ս. Մեռնի կաթսայի կափարիչը, իսկ դպիրները երգում են «Բացեր Տէր այսօր զգանձդ երկնային» շարականը: Երկնային շնորհները կրող բացված այս գանձի մեջ

Հայրապետը նախ լցնում է 40 ծաղիկների և անուշաբույր արմատների նյութերը, ապա բալասանը, Մեծի Տանն Կիլիկիո Կաթողիկոսության Մյուռոնը՝ որպես մեկ եկեղեցի և մեկ սիրտ ու ազգ լինելու խորհրդանիշ: Սհա և Ս. Մյուռոնի օրհնության ամենախորհրդավոր պահը: Մյուռոնաթափ աղավնիով Վեհափառ Հայրապետը հին մյուռոնն է լցնում նորի մեջ: ԺԱ դարի մատենագիր Անանիա Սանահնեցու բնորոշմամբ, երբ հին մյուռոնը խառնվում է նորին, հնի մեջ եղող սրբալույս շնորհը փոխանցվում է առ այն:



Քանի որ մյուռոնի միջոցով խորհրդաբար փոխանցվում են Ս. Հոգու շնորհները և որոնք օրհնվող նոր մյուռոնին են խառնվում հնի հեղմամբ, այն պահին, երբ լցվեց հինը, բարձր ու վիզ ղողանքեցին Մայր Տաճարի վանգերը. «Վի լիցի դղրդումն»: Այսինքն՝ ինչպես Հոգեգալստյան ժամանակ վերնատանը հավաքված առաքյալների վրա իջավ Սուրբ Հոգին և «հանկարծակի երկնքից հնչեց մի ձայն» (ԳՈՐԾՔ Բ 2), այնպես էլ հին մյուռոնի լցման պահին օրհնվող նոր մյուռոնի Ս. Հոգու շնորհներով պատելն է խորհրդանշում վանգերի այս անկրկնելի ղողանքը:


Աղավնու Ս. Հոգուն խորհրդանշելու համար, հին մյուռոնը նորին խառնելիս, Սմենայն Հայոց Վեհափառը երգում է «Սուաքելոյ Աղաւնոյ իջանելով» շարականը:

Լուսավորչի Աջով Մյուռոնը տյառնագրելուց հետո, Վեհափառ շարունակում է կարդալ մյուռոնօրհնության հատուկ աղոթքները: Վերջում ընթերցվում է Սուրբ Ավետարանը: Ս. մյուռոնօրհնությունն ավարտվում է Վեհափառ Հայրապետի «Պահպանիչ»-ով:

Եպիսկոպոսները, Սուրբ մասունքները ձեռքներին, եկեղեցական դասով, թափոր կապմած, նույն հանդիսավոր ձևով, «Որ պշնորիս աստուածային» շարականը երգելով, Վեհափառին շրջապատած, ուղղվում են դեպի Վեհարան:

Սրբալույս Մյուռոնի օրհնությունն ավարտվել է: Սակայն ամեն մի հավատացյալ, իր նվիրական իղձն իրականություն տեսնելու ակնկալությամբ, երկյուղիվ մոտենում է տաք կաթսային, հպվում նրան ձեռքով կամ թանկարժեք իրով՝ ի նշան հավատի անմեկնելի դրսևորման:

Այս մյուռոնօրհնությունը հայոց հինավուրց ու տառապյալ երկրի և հայրենի մեր ժողովրդի համար թող դառնա աստվածային շնորհների հեղման աղբյուր: Թող յուրաքանչյուրի հոգում հեղվի Սրբալույս Մյուռոնից ճառագայթված աստվածային ճշմարտությունը, որպեսզի նրանց սրտերում բնակվեն սերն ու եղբայրությունը, հաճությունն ու խաղաղությունը, հայրենասիրությունն ու ազգասիրությունը:



Ս. Մյուռոնի օրհնության առիթով հավաքված հոգևորականները Վեհափառ Հայրապետի հետ Մյուռոնօրհնությունից հետո

Ո՛վ հավատալիք հայորդի, Նոր Մյուռոնի Սրբալույս այս կաթսայի առջև ուխտի՛ր հավատարիմ մնալ հայրերիդ լույս ու կենսատու հավատքին, աղոթի՛ր հանուն երկրիդ ու աշխարհի խաղաղության և ընդմիջտ մնա՛ արժանի ժառանգորդը մյուռոնյայ ժողովրդիդ...